



UNIVERSITÄTS-
BIBLIOTHEK
PADERBORN

Universitätsbibliothek Paderborn

Tractatus De Libertatibvs Ecclesiæ Gallicanæ

Charlas, Antoine

Leodii, 1684

Cap. IX. Discrimina inter potestatem Summi Pontificis erga Fideles totius
Ecclesiæ, & potestatem Archiepiscopi erga subditos suorum
Suffraganeorum.

urn:nbn:de:hbz:466:1-38227

C A P U T I X.

*Discrimina inter potestatem summi Pontificis erga fideles
totius Ecclesie, & potestatem Archiepiscopi erga
subditos suorum suffraganeorum.*

1. **C**larius elucescat summi Pontificis autoritas erga fideles omnes, si cum eâ conferatur, quam Archiepiscopi in suffraganeorum suorum subditos obtinent, idemque de Patriarchis, ac Primitibus erga fideles sibi non nisi mediate suppositos intelligendum est.

2. Primum, ac præcipuum discrimen, & à quo cetera serè omnia suboriuntur, in eo positum est; quod potestas summi Pontificis ex omnium Catholicorum consensu à Deo immediate profecta est. Archiepiscopo vero ab Ecclesia collata est jurisdictione. Id luculenter tradit S. Thomas Opus, contra impugn. Relig. cujus verba alibi retulimus, & mox repetemus.

3. Secundum discrimen ex primo resultat. Si enim summus Pontifex à Deo suam accepit autoritatem, ab Ecclesia vel tolli, vel minui nequam potest, quod summi Pontifices protestati, & Doctores confessi særissimè sunt. At vero Ecclesia potestatem, quam Archiepiscopo contulit, modò auxit, modò minuit. Quo circa S. Thomas loco jam citato jurisdictionem non solum summi Pontificis in omnes fideles, sed etiam Episcopi in Sacerdotes suæ Dioecesis, jurisdictioni Archiepiscopi in subditos suorum suffraganeorum anteponit; Episcops subditus Archiepiscopo solum ex ordinatione Ecclesie, & ideo in quibus Ecclesia statuit Episcopum Archiepiscopo subiectum, in illis tantum subiectus est ei. Sacerdos autem, qui ex jure Divino Episcopo subditus, in omnibus est ei subiectus, sicut etiam Papa habet immediatam jurisdictionem in omnes Christianos, quia Ecclesia Romana nullis Synodis constitutis ceteris Ecclesiis pralata est, sed Evangelica voce Domini, & salvatoris nostri Primatum obtinuit.

4. Tertium discrimen ex secundo nascitur. Quia enim Ecclesia Episcopis Archiepiscopos præfecit, non antem eorum subditis, nisi in casu appellationis, & paucissimis aliis; summo

mo verò Pontifici Christus omnes suas oves commisit, quo nomine censentur non solum Prælati, sed etiam eorum subditi: Archiepiscopus jurisdictionem tantum mediatam habet in suorum suffraganorum Diœcesanos; summus autem Pontifex immediatam in omnes Christianos. Quod discriben in variis Juris Canonici locis notatur, ut Can. quamvis dist. 21. cap. Romana de appellat, in 6. &c.

5. Quartò ex illa immediata summi Pontificis in omnes fideles jurisdictione oritur; quod confessiones eorum per se, vel per suos Pœnitentiarios excipere possit, ut supra probavimus, quod Archiepiscopo pro cursu tantum visitationis concessum est: Archiepiscopus (inquit S. Thomas quodlib. 12. art. 30.) quia non habet immediationem jurisdictionem in omnes sui Archiepiscopatus, nisi ex appellatione, non posset alicui dare licentiam vel autoritatem audiendi confessiones contra voluntatem Episcopi, & Diaœcesani suffraganei.

6. Quintò in causis ad forum contentiosum spectantibus Archiepiscopus ex officio procedere non potest, nec etiam ad querelam unius partis, ut declarat cap. Venerabilibus de sentent. excommun. quod potest summus Pontifex, ubi necessitas postularat.

7. Sextò differt potestas summi Pontificis ab Archiepiscopali, quod summi Pontificis autoritas Successoribus S. Petri inhæreat, nec ad alios transferri queat. At verò dignitas Metropolitica modò uni Sedi, modò alteri, modò etiam nullâ Sedis habitâ ratione, antiquiori Episcopo delata est, vel à Conciliis, vel ab usu, vel à summis Pontificibus quod tūm reliquarum Ecclesiârum, tūm Africanæ, historiæ testantur. Sed & in ipsa Gallia non defuerunt exempla tum collatæ, tum ablataæ Metropoliticæ dignitatis. Notissimum est S. Leonis factum, qui Hilarii Archiepiscopi Arelatensis erga sanctam Sedem contemptum multâavit, dempiâ illi Ecclesiæ Metropolitanâ jurisdictione, ac Ecclesiæ Viennensi concessâ; Quamquam restitutæ sunt postmodum Arelatensis quedam suffraganeæ.

8. Septimò limitata est Metropolitanorum jurisdictione non solum ad certa loca, certosque articulos, sed etiam ad certum procedendi modum. At summus Pontifex solius justi-

tiz

352 TRACTATUS DE LIBERTATIBVS,
tiæ ac rectæ rationis limitibus stringitur. Licet enim, ut
sæpè notavimus, non æquale semper fuerit Pontificiæ po-
testatis exercitium, amplissima tamen semper illa potestas ex-
tit.

C A P U T X.

De autoritate summi Pontificis in bona Ecclesiastica.

1. **B**ona Ecclesiastica, sive in ordine ad Deum spectentur, qui sibi frugum terræ partem reservavit in signum su-
premi, quod in omnia obtinet, dominii, sive in ordine ad fideles, qui eorum, quæ à Divina bonitate acceperant, partem reddiderunt, sive in se ipsis, ad absolutum summi Pon-
tificis dominium non pertinent, multò minus aliorum Pre-
latorum, aut Beneficiariorum. Qui contrariam doctrinam tradunt, præterquam quod Sacrorum Canonum statutis, &
sanctorum Patrum sententiæ aduersantur, maximam Eccle-
siæ perniciem afferunt, Beneficiariis occasionem præbentes,
reditus Ecclesiasticos ad extollendas proprias familias, di-
tandos parentes, vel Aulicos, magnifica Palatia constru-
enda, convertendi, eosque sive testamento, sive donatione,
aut aliâ dispositione distrahendi; quæ res & dantum con-
scientiam gravissimè sauciat; & accipientiam sæpè fortu-
næ, Deo ita justè permittente, sæpius saluti animæ pluri-
mum obest.

2. Si bona illa quemadmodum docet Concilium Tridenti-
num sess. 24. de reform. cap. 1. post Canonem Apostolicum
39. *Dei bona sunt*; non debent, ut tradit idem Concilium, Epis-
copi, atque adeò nec primus Episcoporum, qui ceteris debet
esse norma, ea ut propria tractare; sed ut sibi commendata,
in ejus, ad quem pertinent, cultum expendere; quodque ipsi
ex his sibi vendicant, in suam, tanquam in Dei hominum
sustentationem expendenda percipere. Sunt enim ipsi homines
Dei, ut docet Apostolus 1. ad Timoth. 6. 11.

3. Fideles bona Ecclesiæ offerentes, et si Ministris Christi,
ut ejus obsequio commodius vacare possent, necessaria vita
sub-